



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicorum Per Germaniam, Belgivm, Galliam, Hispaniam, Italiam, Aliasque Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Sancti Gvmmari Collegivm Liranum, & alia dioecesis Antuerpiensis.

urn:nbn:de:hbz:466:1-11227

uimus, & sigilli nostri impressione iussimus insigniri. Signum Domini Henrici IV. Rom. Imp. inuictissimi *Bruno* Cancellarius recognouit. Data XI. Calendas Decembris, anno Dominicæ Incarnationis M.C. XXIIIX. indictione XI. regnante Henrico IV. Rege Romanorum Imperatore quarto. Actum est apud Traiectum in Christo feliciter Amen.

CAPVT XCII.

SANCTI GUMMARI COLLEGIVM
Liranum, & alia diœcesis Antuerpiensis.

PRæter Cathedrale Collegium Marianū Antuerpiense, sunt insuper in ea diœcesi Collegia quinque *Liranum, Bredanum, Bergen- se ad Zomam, Turnhautanum & Hochstratanum.*

Liranum collegium exordia sua debet *S. Gummaro*, qui gloriosa stirpe exortus est in Renensi prouincia, quæ Brabantia territorio comprehensa, nunc *Riensis* dicitur, vulgari sermone ad vernaculo, *het land van Rijen*. In ea natale solum habuit *Emblehem*, qui locus horæ spacio à Lira oppido distat. Erat lenis in sermone, constans in bono opere, humilitate submissus, pietate profusus, ieiunijs & vigilijs castigans carnem, eleemosynarum largitor, in aula *Pipini* Regis magnificè acceptus. Habuit *Grimuariam* vxorem sibi molestissimam, quam patientia & prudentia vincere laborauit. Cùm ad limina Apostolorum tenderet,

deret, diuina admonitione intra Netæ ambitum iubetur oratorium construere; vbi vitam in multa sanctitate finiuit. In messe siti deficientibus, baculo terram fodit, & erupit fons largissimæ aquæ, qui adhuc visitur in *Emblehem*. Alijsque multis miraculis claruit in vita, & post mortem. Quiescit Liræ, quod est opidum Brabantia, diœcesis Antuerpiensis, vbi collegiatam habet Ecclesiam, quæ in historia *Monasterium* nominatur. Ad hoc monasterium venerunt Normanni, euerfa Malina seu Machlinia, ignemque iniecerunt; Sed *S. Gummarus* è cœlis suis meritis contra eos pugnans, ignem extinxit.

Itaque collegium Liranum initia sua debet *Sancto Gummaro*, viro diuiti ac nobili quod his verbis disertè testatur Chronographus Cameracensis: *Non procul Machlinis est monasterium Canonicorum, quod ex proprijs prædijs vir Dei Gummarus illustris laicus, struxit, ibique sepultus diem resurrectionis expectat.*

Auxit foundationem postea, & Canonicos instituit *Carolus Magnus* Imperator.

SANCTAE MARIAE COLLEGIVM
Bredanum, in Campania Brabantia.

BREDA illustre est Brabantia opidum in Meditullio Campinia seu Campaniæ, ferè sitū ad gentē Nassouia spectās. Illius opidi templū *B. Mariæ* sacrum non nisi parochiale olim

olim